

# Ne tapuni’i honau ngutū ke lea he keisi ‘a Folau; Kepu

Kuo hangē eni ‘oku to e mapuna hake ha afi ia he ‘akapulū’ i ‘Aositelēlia’ i he mama mai kitu’a e fuakava e ongo huitu’a mālōlō e Wallabies ka ko e Tonga ko ia ko Sekope Kepu pehē ki he tokoni kapitenī ka ko e tangata Fisi ko ia ko Samu Kerevi ne fakahū atu ‘ena fuakava ko ‘ena poupou kia Folau’ i hono fakangata ‘ene aleapau mo e ‘Iunioni’ ni ‘a ‘Aositelēlia’.

Ne hā ai ‘i he fuakava ko eni ‘a Kepu’ ‘a ‘ene ongo’i na’e puke honau ngutū’ e he ‘Iunioni’ mo nau teteki na’a nau foua e hala tatau ke nau fakahaa’i ‘enau poupou ki honau kaungāva’inga mo kaungā Kalisitiane’ ni.

Ka na’e hoko eni ke ‘i ai e ‘āvahevahe’ i he loto loki mo e kemi ‘a e Wallabies he’enau teuteu atu ko ia ki he Ipu ‘a Mamanī ka ne ‘osi ‘ilonga pe ia he Championship mo e Bledisloe.

Na’e ‘ikai puli foki he taimi ne hoko ai e me’a

ko enī na’e ‘osi e’a mai pe e ‘āvahevahe ia’ i loto he Wallabies ‘o mahino ne mei tu’u kotoa e kau va’inga Pasifikī ia mo Folau pea ko e kau palangī ne nau tu’u poupou ki he ‘Iunioni’.

Ka ne a’u eni ki ha tu’unga ne ‘asi ne ‘ikai ke kau atu ‘a Kepu ia ki he kemi ‘a e Wallabies ko ‘ene ta’efiemālie ki he founa ne fai ‘e he ‘Iunioni’ kia Folau.

Na’e kau he fakahā ‘e Kepu na’e tapui ia ke ne kau ‘i he fakataha mo e kau mitia mo e kau va’inga Waratahs ko ‘enau ilifia na’a ne poupou’i ‘a Folau.

‘I he kongā e fakamatala ‘a Kepu’ ne tui ia na’e ‘osi fale’i pe kau mitiā ia ke nau fakalea pe ki he kakai te nau tu’u fehanga-hangai mo Folaufā kae ‘oua te nau fakalea ki ha taha pouopou.

Ko e kemi e Wallabies ‘i ‘Epeleli he hili pe ia hono ‘ohake ‘e Folau ‘ene tohi he mitia fakasosiale’ ne



‘ikai ke kau atu ‘a Kepu ia.

“Ko e ‘uhinga pe eni he na’a’ ku fu’u lotomamahi ki he anga ‘enau tokanga’i mo pule’i e me’a ‘a Folaufā pea neu fakakaukau he ‘ikai ko ha me’a lelei kia au keu kau atu.”:

‘I he kongā ia e fuakava ‘a Kerevi na’e tautea’i ‘a Folau ki he’ene fakahaa’i pe ‘ene tu’.

Pea ne faingata’a ki ai ke ne tali mo ‘ene tui ‘a’ana ia ko e me’a ne tonu ke fa’ ne mei fakamolemole’i pe ia he kau takī, ka ko e ‘uhi ‘e kaunga ki ai e lotū.

Na’e to e faingata’a leva

ki ai ke ne fale’i ‘e kinautolu kauleka va’inga fo’ou’ i he taimi na’a ne fiema’u ke ne poupou kia Folau.

Ne ‘ikai lava ia koe’uhi ne ‘osi ta’ofi kinautolu ia kau va’inga’ e he kau takī ke ‘oua te nau lea ki ha me’a he ‘isiū ko enī.

‘I he fuakava ko eni ‘a Kepu’ na’a ne fakahā ai na’e ‘alu ‘ene hoha’a’ pea ne fakatalanoa ai ki he CEO, Raelene Castle, Faiako e Wallabies, Michael Cheika, Faiako e Waratahs, Daryl Gibson pehē ki he kapitenī, Michael Hooper.

Na’a ne fakahā kia Cas-

tle ‘ene hoha’a he hoko e me’a kia Folaufā ke ne fakamavaeua’i e Wallabies pea ko e kau va’inga Polinisia mo Kalisitiane’ ne nau ta’efiemālie ki he tu’utu’uni ne fakahoko ‘e he ‘Iunioni’ ‘a ‘Aositelēlia’.

Na’e kau he’ene fuakava’ ‘ene pehē na’e fu’u to’o fakatautaha ‘e Castle ia e me’a’ ni. Ko ‘ene talanoa ko ia kia Castle he ‘osi uike ‘e ua mei he tohi ‘a Folaufā na’e toutou talange’ e Castle ne hanga ‘e Folau ‘o tolongi ia ki he lalo pasī.

Ka ne mālie ange hū mai ia ‘a e CEO ‘o ne fakahā

ne ‘ikai ke nau puke pe tapuni’i e ngutu e kau va’inga’.

“Ko e lahi e ngaahi ngāue na’e fakahoko ‘e he ‘Iunioni’ mo e ngaahi timi Super ne faka’atā e fetu’utakī’ i he ‘isiū’ ni ki he kau va’inga kotoa, pea ko e taimi ne fai e kole fale’i mo e tokoni’ ne fai hono tokonia fakataautaha.” he fakamatala ‘a e CEO.

Ne to e mālie ange hū mai ia ‘a Hooper ‘o ne pehē ne ‘ikai ke tapui ia ke nau lea pea ‘oku ‘ikai mo’oni e me’a ‘oku hā he fuakava ‘a Kepu’ fekau-’aki mo e ‘āvahevahe he loto Wallabies.

Ne to e fakamahino foki ia ‘e Kepu mo Kerevi he’ena tui ne hoko eni mo e puli ‘a Folau mei he timī ke ne uesia ‘enau feinga he kapau ne kei va’inga ne nau mei to e ‘alu ki he tu’unga lelei ange he Ipu ‘a Mamani ne toki ‘osī.

Ka neongo kotoa eni kuo aofangatuku e keisi’ ni ‘o tokoni lahi ‘ena fuakava’ ki he ikuna ‘e Folau.

## TALANOA IKUNA

### Semi Taufa – Haveluloto



#### Pangikē Langa Fakalakalaka ‘a Tongā

Ko e ngaahi talanoa IKUNA, MALAVA Ē MEI TA’EMALAVA’ pea mo MĀLIE ‘a e kau Kasitomā e Pangikē ‘a e Fonua’, makatu’unga ‘i he’enau ngāue’aki ‘a e ngaahi sēvesi ‘a e Pangikē’ ni, ‘o nau kaungā Ha’amo 2 ai ‘enau siate folau’ pea nau a’u vave ki ai ‘o ikuna fiefia!

Ko e to’o mei he ngaahi polokalama lētiō faka-uike ‘a e Pangikee’, ‘a ia ‘oku ‘iloa koe : Halafononga ki ho’o langa fakalakalaka moe Pangikē Langa Fakalakalaka ‘o Tonga, pea mo Linda Maue.

“ Na’a’ ku fu’u fiema’u ha founa ke ‘omai ai hoku kakava’, ‘a e kakava ‘ete ngāue’, pea ko e taumu’a foki ia ‘ete folau ki muli, pea na’a’ ku fetaulaki ai mo e ki’i polokalama ko ‘eni ko APP ‘a e Pangikē Langa Fakalakalaka ‘o Tonga,’ ko e lau ia ‘a Semi Taufa ‘o Haveluloto’, ko e ta’u ‘eni ‘e 7 ‘ene lava atu ki muli, ‘i he ngaahi polokalama toli fua’i’akau’.

‘I he TALANOA IKUNA ‘a Semi, na’a’ ne pehē, ‘i he taimi na’a’ ne fa’a lele atu ai he toli ki ‘Aositelēlia pea mo Nu’usilā, ko e taha e me’a ‘oku nau fa’a fepaki mo ia’ ko ha founa ke fakafoki mai ai honau kakava’ ki honau fāmilī ki Tonga’ ni.

‘I hono faka’eke’eke ‘e Linda Mauē mei he tafa’aki fakamāketi ‘a e Pangikē Langa Fakalakalaka ‘o Tonga’ ‘a Semi fekau’aki mo e Halafononga ‘o ‘ene pa’anga’, ke a’u mai ai ki Tonga’ nī, na’a’ ne pehē, “ko e halafononga na’e lōloa mo faingata’a! He kuo pau ke te feilaulau’i ‘e kita hoto taimi malōloō.”

‘I hono fakahā mai ‘e Semi honau mamahī, ka tau mamata atu ki aī, na’a’ ne fakamā’opo’opo mai e ngaahi me’a ‘oku nau fou mai ai kae toki a’u mai ‘a e sēnitī ki honau ngaahi lotofalē ki Tonga’ ni.

i. *I he tuku ‘a e ngāue’ fakafuofua ki he haafe ‘a e 5, tenau foki leva ki ‘api ‘o feinga’i ha me’akai.*

ii. *Te nau talitali ke hū hake ‘enau vahē ki he pangikee’, he vaha’a ‘o e 7-8.00 efiafi*

iii. *Tenau heka me’alele leva, pē ‘oku toko 10 nai, ‘o ō ki he misinī. Te nau kiu ai, pea ‘oku ‘ikai ko kinautolu pē, ka e fakataha foki mo e kau toli fua’i’akau matakali kehekehe!*

iv. *Ko e palopalema ‘e taha, he ‘oku ‘ikai ha’anau me’alele! Te nau kole e me’alele ‘a e faama’, pea te nau toe ‘utu foki! Ko e ‘ul-uaki ia ‘o e fakamole’, ke ‘a’au mai e pa’anga’!*

v. *I he ‘osi ‘enau kiu he misinī, te nau lele leva ki he ‘api ‘o e ngaahi agents tā pa’anga ma’.*

*Te nau to e kiu ai! Mahalo pē ki ha houa ‘e ua nai.*

*Te nau tali ke tā kotoa mai e silinī ‘enau kau ‘alu’, he ‘oku nau me’alele taha! Pea manatu, ‘oku ‘ikai ko kinautolu pē ‘oku tā pa’anga ma’, ‘Oku ‘i ai mo e ngaahi matakali kehekehe!*

vi. *Kuo mei hoko e 11 nai, pea kuo nau toki fakahēheka ke ō ‘o fai ha ki’i sōpingi ke hoko atu ‘aki ‘i he uikē, he ‘oku nau mo’ua he ngāue he ngaahi faama’, pea ‘ikai ha taimi mo ha me’alele ke feleleaki ki kolo.*

vii. *Te nau toki foki ki’a-pi kuo mei haafe e 12.00 hengihengi, pea kuopau ke nau tu’u he haafe ‘a e 5 ‘o teuteu ki he ‘aho ‘e taha!*

Tā ‘oku mo’oni pē!! Ko e halafononga ‘o e a’u mai honau kakava’ ki ‘api mo Tonga’ nī, ‘oku lōloa mo faingata’a, pea toe totongi foki mei he taimi, ki he pa’anga!

Kā, ‘i he ‘aho na’e fetaulaki ai ‘a Semi mo APP pe ko ‘AVE PA’ANGA PAU’, founa ‘omi pa’anga ‘a e Pangikē Langa Fakalakalaka ‘o Tonga’ mei Nu’usilā, na’e maliu hono mamahī ki he nonga mo e fiemālie ‘aupito!

‘I he lele atu hono kaungā fononga’ he veenī mo e founa motu’a, ne nofo pē ‘a Semi ia ‘i ‘api, he hili ‘a e ngāue’, ‘o teuteu ‘ene me’a tokoni, pea ne talitali ai pē ki he hū hake ‘ene vahē. Ko ‘ene hu pē ‘ene vahē, ko ‘ene to’o hake ia ‘ene ki’i telefoni to’oto’o’, ‘o trans-

fer mai e fo’i sēnitī ki hono fāmilī, he kuo ‘osi lēsisita mai ia ki he APP. Transfer ta’etotongi! Pea kapau te ne toe send mai ha fo’i transfer ‘e taha, ko e to e ta’etotongi mo ia foki, he ko APP ‘oku TA’ETOTONGI!

‘I he hili ko ia, na’a’ ne mālōlō leva ia ki he ngāue’ he ‘aho ‘e taha! Pea ko e sēnitī ku’ ne tuku maī, ‘e ma’u ia he pongipongi pē ‘e taha, pea kapau ko e sēnitī na’a’ ne ‘omī ‘oku lahi, na’e pehē ‘e Semi he’ikai ilifia he ko e Pangikē ‘eni, pea ‘e tatau ai pē pe ko e hā e lahi te ne ‘omī, ‘e kei ma’u pē ‘e he Pangikee’ ‘a e amount ko ia’ ‘i he taimi pē ko ia, ‘o ‘ikai hangē ko e ngaahi palopalema na’a’ ne a’usia he ngaahi founa kehe na’a’ ne ngāue’aki mai kimu’a.

‘I hono ‘eke kia Semi, pē ko e hā ha’ane lau, kia kinautolu ‘i Tonga’ ni ‘oku nau kei holi atu pē ke ‘omai pē e sēnitī he founa ‘oku nau anga ai kinautolu henī, na’e pehē ‘e Semi, “‘oku ne fakalotolahi’i kinautolu kenau sio ki he ngaahi palopalema ‘oku fa’a hoko hangē ko e, i. fa’a hala e ngaahi hingoa ‘oku ‘oange mei Tonga’ ni ke tā mai ki ai e sēnitī, pea ‘i he’ene pehee’, ‘e toe fai e

poaki ia ki he ngāue’, kole me’alele ke ō ke fakatonu-tonu, pea ‘ikai lava foki e sēnitī ke ma’u he ‘aho pē koiā’ ‘o hangē ko e fiema’u ange mei Tonga’ nī, pea toe mole mo e pa’anga vahe ‘o e ‘aho koiā he li’aki ngāue’.

Tā ko e molē ‘oku tu’u lōlahi pea mātu’aki fakamamahi mo toloi me’a!

Kā ko APP ko e pae pē e telefonī mo lomilomi, pē ‘oku lolotonga hekeheka ‘i he sitepū ‘a e tokotaha toli ‘o teuteu ke paki’i e fo’i ‘āpele’, mo e tatangi atu ‘a e fiema’u mei Tonga’, ko ‘ene fakahū mai ai pē ‘a e sēnitī he taimi pē koiā.

Ko e talanoa IKUNA ia ‘o Semi Taufā. Mei he sio ‘a e Pangikee’, na’a’ ne ‘ilo ‘a AVE PA’ANGA PAU, ‘a e founa fo’ou ‘oku ta’etotongi, pea ne tu’usi mo ‘ene feleleaki mo tōngā holō, kae nofo nonga, māfana mo fiemālie foki. ‘I hono ‘eke ‘e Linda Maue kia Semi pē ‘oku fēfē ‘a e rate ‘a e Pangikee’ ‘i he’ene sio, na’a’ ne pehē ‘Ma’alahi!’

Kā ko e IKUNA kia Semi Taufa, ko e lava hono ki’i falē, ke hū ki ai mo hono fāmilī. “Ko e falē ko e ‘ofa ia kiate au mo hoku fāmilī, kā na’e ‘i ai ‘eku kongā,

na’e pau ke kau ai,” ko e lau ia ‘a Semi.

Na’a’ ne noo’i leva ‘ene kongā mei he Pangikē Langa Fakalakalaka ‘o Tonga’ ‘o faka’osi ‘aki hono falē. Na’e HA’AMO UA’i ai ‘e he Pangikee’ mo Semi ‘ene visone’, pea hangē ko ‘ene laū, “na’e malava pē ‘o ma’u e sēnitī he ngaahi ta’u kimu’a, kā ‘o kapau na’a ku tātānaki, ‘e tuai ‘a e kakato ‘eku visone’.

‘Oku tui ‘a Semi, na’e tokoni lahi ‘aupito ‘ene ngāue’aki mai ‘a APP ki hono tali ‘ene noo’, makatu’unga he malava ‘a e Pangikee’ ke si-ofi hono lēkooti fakapa’angā mo ‘ene pa’anga’ ‘oku malava ke ne fakahaofi mai he uike kotoa pe.”

Ko e fakalotolahi ‘a Semi, kiate ia’ ‘oku teu ke folau atu ‘o toli fua’i’akau ki Nu’usila mo ‘Aositelēlia’ (‘e toki fakahoko ‘a ‘Aositelēlia’ i he ngaahi māhina si’i ka hoko mai), “mou ō mai ‘o ngāue’aki e polokalama ‘AVE PA’ANGA PAU’ ‘a e Pangikē Langa Fakalakalaka ‘a Tonga’, he ‘oku ‘ikai ha totongi pea ‘oku ‘ave hangatonu pē ‘e ko e mei ho’o telefonī ‘oku ke lea ai ki ho kainga’ i Tonga.” Ko e Ikuna’ ia!